

Sharciga 1da Jennaayo 1960, lamba. 2, Diiw.

Canshuuraha la xiriira ruqsooyinka lagu bixiyo adeegyada guud.

MAAMULAHA

Markuu arkay oggolaanshaha Golaha Xeerdejinta;

WUXUU GUDDOOMINAYAA:

Sharciga soo socda:

Qod. 1

Qoraallada (góaannada) bixinta ruqsadaha adeegyada guud, qoraallada bixinta, ee cusbooneysiinta iyo muddo – dheereynta ruqsadaha waxaa ku waajibaya canshuuta dheellitiran, ee diiwaagelinta, oo ah boqolkiiba hal oo koraya khidmadaha lagu heshiiyey iyo faaiidada duuduubka ah ee xisaab-xirka.

Qod. 2

Ka-hawlgalka waaqica ah, ee adeegyada guud oo ka midka ah waajibaadka hayad – ahaan, ee Maamulka Guud, heshiisyada af-ahaaneed, ee mudoo – dheereynta, iyo sidoo kale wareejinta gebi – ahaaneed ama qayb – ahaaneed, ee ayagaas, iyo weliba heshiisyada sii-wareejinta sí kasta oo loo gooyo muddada iyo haddii khidmada loo gooyo qaddar lacag ah oo góan, habka la xiriira qof la siiyo lacag u dhiganta hadba inta ay tahay hawsha uu uu qabto, cabbir ama hab kale, waxaa ku laasimaya diiwaangelin oo ku saleysan wargelin (hadba sida loo soo sheego), ayada oo la bixinaayo canshuurta ku xusan Qod. hore.

Wargelinta waxa ay yeelanseysaa sifo qoraal waana in uu muujiyo (tilmaamo):

- a) — Dhinacyada, degaankooda xagga saameynta uu ku leeyahay wargelinta, goobta lagu guntay heshiiska af – ahaaneed;
- b) — Nooca heshiiska;
- c) — Muddada heshiiska;
- d) — Faaiidada duuduubka, ee xisaab – xirka iyo weliba khidmadaha lagu heshiiyey;
- e) — Saxiixa caddeeyaha oo la akhrin karo.

Qod. 3

Canshuurta ku xusan qodobbda hore, ee 1aad iyo 2aad marka la joogo diiwaangelinta qoraala, waxaa si ku meel gaar ah loo bixinayaa kaliya sanadka kowaad, ee xisaab/xirka, marka laga reebo bixinta kama dambeysta ah, ee dhammaadka sanad kasta oo maaliyadeed.

Xagga xisaabtanka kala/baxa sanadlaha ah, wargelinta la xiriirta macaashka iskujirka (diiduubka) oo xaasilka waa in laga keeno dhammaan bixinta ruqsooyinka adeegyada guud iyo qoraallada bixinta ruqsooyinka ee la xiriira, 30 maalmood gudahood oo ka bilaabata taariikhda xisaab-xirka maamulka ama oggolaanshahooda (ansixintooda), haddii ay tahay lagama maarmaan, ayada oo ay ku lifaaqan tahay minguurintooda oo tasdiiqan.

Haddii qofka ruqsada la siiyey uu yahay qof dabiici ah, 30^{ka} waxa ay ka bilaabaneysaa dhammaadka sanad-qorraxeедка.

Qod. 4

Marka aysan jirin wargelinta ku xusan Qod. hore, ee 2aad, sí loogu dhaqaaqo, xafiis ahaan, fulinta bixinta ruqsooyinka adeegyada guud, iyo weliba wareejinteeda, sii-wareejinteeda iyo dheereynteeda, in ay ka muuqato falal, mucaamalooyin iyo qoraallo kale ama wasiilado kale oo macluumaa oo ku habboon oo loo qaadan karo mucaamalo sharci, haddii aan la caddeyn wax ka duwan, marka laga reebo tan markhaatifurka.

Qod. 5

Xagga mucaamalooyinka ku xusan Qod. hore, ee 1aad, oo la diiwaangeliyey wixiika horreeyey dhaqangalka Sharciga iyo kuwa isla taariikhdaas oo ilaa hadda socda halbeeggaas canshuureed oo la soo sheegay, oo ah boqolkiiba halka, waxaa lagu dhabbaqayaa oo kaliya haddii mucaamalooyinkaas ay keenayaan bixin canshuur diiwaangeli oo hor leh (oo dambe).

Qod. 6

Haddii laga baaqsado ama lala daaho geynta xafiiska canshuuraha, qoraallada mucaamalooyinka iyo wixii soo sheegida (wargelina) ay tahay in la diiwaageliyo waxaa lagu ciqaabayaa canshuur dulsaar ah oo la eg boqolkiiba lix canshuur lagu leeyahay.

Bixinta canshuurta oo lala dhaafo muddadii loo gooyey, waxaa lagu muteysanayaa ciqaab ah cashuur-dulsaar ah oo la eg tobant meelood oo meel canshuurtaas.

Qod. 7

Canshuuraha dulsaaka ah, ee ku xusan Qod. hore, waxaa la dhimay kala bar oo bar qaddarkooda (tiradooda), haddii qaddarka la iska rabo la bixiyo (fuliyo) ka hor inta aan laga geyn digniinta gudashö laáanta.

Qod. 8

Xagga dabbaqidda canshuuraha ku xusan sharcigan waxa ansax ah ku dhaqanka axkaamta loo dejiyey Nidaamka canshuuraha saaran mucaamilaadka, xataa xagga wixii khuseeya muddooyinka taqaadumka (gubashada xaqa) iyo muddo dhaca iyo xagga dacwooyinka (isqabadka).

Qod. 9

Axkaamta ku xusan Qod. 27aad, ee X.G., ee 22 Disembar 1938, lamba. 1454, waa la baabiíyey.

Qod. 10

Sharciga waxa uu dhaqangelayaa 15 maalmood kaddib marka lagu nashriyo Faafinta Rasmiga, ee Soomaaliya.

Sharcigan waxaa la gelinayaa Ururinta Rasmiga, ee sharciyada, waxaana lagu nashrinayaa Faafinta Rasmiga.

Qof kasta oo ku lug yeesha waa ku khasab in uu dhowro sharcigan, una dhowro sida sharci ay leedahay Soomaaliya.

Taariikhda Muqdisho, maanta oo ah 1^{da} Jennaayo 1960.

P. Maamulaha
Gasbarri

Wasiirka Kowaad

Cabdullaahi Ciise Maxamuud

Wasiirka Maaliyadda

Cusmaan Axmed Roble